



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՖԻՆԱՆՍՆԵՐԻ ՆԱԽԱՐԱՐ

27 փետրվարի 2014թ.

թիվ 153-Ն

ՀՐԱՄԱՆ

<<ԵՐԵՎԱՆ-1>> ԱԿ-ԻՑ ԳՈՒՄԱՐ ԳԱՆՁԵԼՈՒ ՄԱՍԻՆ

Հիմք ընդունելով հետևյալ փաստական հանգամանքները՝

1. <<Երևան-1>> ԱԿ-ն (այսուհետ՝ Ընկերություն) Հայաստանի Հանրապետության ֆինանսների նախարարության (այսուհետ՝ Նախարարություն) կողմից 2009 թվականի հոկտեմբերի 26-ին տրված թիվ ՇԽ-211 լիցենզիայի (այսուհետ՝ Լիցենզիա) հիման վրա իրականացրել է շահումով խաղի կազմակերպման գործունեություն,
2. Ընկերության կողմից 2013 թվականի հերթական տարեկան պետական տուրքի վճարման օր է համարվել 2013 թվականի հոկտեմբերի 26-ը, որը եղել է ոչ աշխատանքային օր և <<Իրավական ակտերի մասին>> Հայաստանի Հանրապետության օրենքի 83-րդ հոդվածի համաձայն վճարման ժամկետի ավարտի օր է համարվել 2013 թվականի հոկտեմբերի 28-ը,
3. Ընկերության կողմից 2013 թվականի տարեկան պետական տուրքը սահմանված ժամկետում՝ 2013 թվականի հոկտեմբերի 28-ին, չի վճարվել,
4. Թիվ ՎԴ6/0395/05/13 վարչական գործով (Նախարարությունն ընդդեմ <<Երևան-1>> ԱԿ-ի 2009 թվականի հոկտեմբերի 26-ին տրված թիվ ՇԽ-211 լիցենզիան ուժը կորցրած ճանաչելու պահանջի մասին) 2013 թվականի հոկտեմբերի 30-ին Հայաստանի Հանրապետության վարչական դատարանի կողմից կայացված վճռով Ընկերության Լիցենզիան 2013 թվականի դեկտեմբերի 01-ից ուժը կորցած է ճանաչվել,
5. Ընկերության կողմից 2013 թվականի տարեկան պետական տուրքը սահմանված ժամկետում՝ 2013 թվականի հոկտեմբերի 28-ին, վճարված չլինելու հետևանքով ներկայումս Ընկերության կողմից Հայաստանի Հանրապետության պետական բյուջե վճարման ենթակա գումարը կազմում է 1.456.250 Հայաստանի Հանրապետության դրամ

գումար, որից 1.250.000 Հայաստանի Հանրապետության դրամը՝ որպես <<Պետական տուրքի մասին>> Հայաստանի Հանրապետության օրենքի 43-րդ հոդվածի 3-րդ պարբերության համաձայն հաշվարկված 2013 թվականի տարեկան պետական տուրքի մայր գումար, իսկ 206.250 Հայաստանի Հանրապետության դրամը՝ որպես <<Պետական տուրքի մասին>> Հայաստանի Հանրապետության օրենքի 35-րդ հոդվածի 3-րդ մասի համաձայն 2013 թվականի տարեկան պետական տուրքի մայր գումարի նկատմամբ մինչև 2013 թվականի դեկտեմբերի 01-ը հաշվարկված տույժի գումար,

6. <<Պետական տուրքի մասին>> Հայաստանի Հանրապետության օրենքի 35-րդ հոդվածի 4-րդ մասի համաձայն՝ սույն հրամանի նկարագրական մասի 5-րդ կետում նշված գումարների գանձումն Ընկերությունից իրականացնելու նպատակով հարուցվել է վարչական վարույթ և Նախարարության աշխատակազմի լիցենզավորման պայմանների և պահանջների հսկողության տեսչության կողմից 2014 թվականի փետրվարի 12-ի թիվ 20.2/1932-14 գրությամբ այդ մասին ծանուցվել է Ընկերությանը,

առաջնորդվելով <<Պետական տուրքի մասին>> Հայաստանի Հանրապետության օրենքի 35-րդ հոդվածի 4-րդ մասով և «Վարչարարության հիմունքների և վարչական վարույթի մասին» Հայաստանի Հանրապետության օրենքի 88-րդ հոդվածով՝

ՀՐԱՄԱՅՈՒՄ ԵՄ

1. Ընկերությունից հոգուտ Հայաստանի Հանրապետության պետական բյուջեի գանձել 1.456.250 Հայաստանի Հանրապետության դրամ գումար, որից 1.250.000 Հայաստանի Հանրապետության դրամը որպես հերթական տարեկան պետական տուրքի գումար, իսկ 206.250 Հայաստանի Հանրապետության դրամը՝ որպես հաշվարկված տույժի գումար:
2. Սահմանել, որ սույն հրամանի եզրափակիչ մասի 1-ին կետում նշված գումարը Ընկերության կողմից կամավոր չվճարվելու դեպքում սույն հրամանն անբողոքարկելի դառնալուց հետո եռամսյա ժամկետում այն ենթակա է ներկայացման հարկադիր կատարման:
3. Սույն հրամանը կարող է բողոքարկվել վարչական կարգով սույն հրամանն ուժի մեջ մտնելու օրվանից վեց ամսվա ընթացքում կամ դատական կարգով՝ օրենքով սահմանված ժամկետում:

ՆԱԽԱՐԱՐ



Դ. ՍԱՐԳՍՅԱՆ